

Broj: 04-14-1-3564/17 V.F.
Sarajevo, 18.05.2017. godine

**PARLAMENT FEDERACIJE
BOSNE I HERCEGOVINE
DOM NARODA**
n/p gosp. Slaviši Šućuru, delegatu

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno:	24-05-2017		
Org. jed.	Broj	Priloga	Vrijednost
05/2-	02-	200	17

VLADA FEDERACIJE BOSNE I HERCEGOVINE

SARAJEVO

Predmet: Odgovor

VEZA: Vaš akt broj: 03-05-572-2/17 od 09.05.2017. godine

Poštovani,

U vezi delegatskog pitanja, dostavljenog aktom broj: 05/2-02-200/17 od 04.05.2017. godine od Doma naroda Parlamenta Federacije Bosne i Hercegovine, koje je na 21. sjednici Doma naroda Parlamenta Federacije BiH, održanoj 27.04.2017. godine, postavio delegat Slaviša Šućur, a koje se odnosi na Uredbu o uslovima i načinu plaćanja gotovim novcem („Službene novine Federacije BiH“, br. 72/15 i 82/15), ukazujemo na sljedeće:

U skladu sa članom 6. stav (1) Zakona o unutrašnjem platnom prometu („Službene novine Federacije BiH“, br. 48/15 i 79/15), poslovni subjekti su dužni za potrebe plaćanja otvoriti račune u ovlaštenim organizacijama i novčana sredstva voditi na tim računima, te vršiti plaćanja preko tih računa.

Članom 8. stav (1) Uredbe o uslovima i načinu plaćanja gotovim novcem, kojom se propisuju uslovi i način plaćanja u platnom prometu u gotovom novcu, kao i uslovi držanja gotovog novca i način uplate dnevnog pazara na račun kod ovlaštene organizacije, propisano je da su poslovni subjekti (a u koje spadaju i obrtnici u skladu sa članom 2. stav (3) Zakona o unutrašnjem platnom prometu), dužni gotov novac ostvaren obavljanjem registrovane djelatnosti, evidentirati u skladu sa propisima o računovodstvu i uplatiti istog radnog dana na svoj račun kod ovlaštene organizacije, a najkasnije narednog radnog dana.

Izuzetno, u stavu (2) istog člana ove uredbe, propisana su olakšanja za poslovne subjekte čiji dnevni priliv gotovog novca ne prelazi 200,00 KM ili koji su udaljeni od ovlaštene organizacije 15 i više kilometara, a koji su dužni uplatu tog gotovog novca izvršiti najkasnije u roku od pet radnih dana.

Nadalje je u stavu (3) istog člana ove uredbe, propisano da se uplata gotovog novca na račun kod ovlaštenih organizacija ne odnosi na poduzetnike koji porez na dohodak plaćaju u paušalnom iznosu.

S poštovanjem,



MINISTRICA

Jelka Milićević